



Claude WISELER  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 26/03/2024

Här President,

**Sou wéi den Artikel 80 vun eisem Chambersreglement et virgesäit, biede mir lech, dës parlamentaresch Fro un d'Ministere fir Energie & Ëmwelt, Klima an Biodiversitéit weiderzeleeden.**

Persounen, déi Photovoltaiksanlagen op hiert Haus installéieren, kënnen zënter enger Rei Joren eng Subventioun fir d'Installatioun ufroen ("Klimabonus"). Déi Primm gëtt ausbezuel, nodeems d'PV-Anlag installéiert gouf.

Aus der Äntwert op d'parlamentaresch Fro 6969 giong ervir, dass d'Délaien am Joer 2022 fir d'Ausbezuelen vun de Primmen immens laang waren, am Duerchschnëtt 182 Deeg. Mëtt 2022 war deemno nach keng eenzeg Primm vum lafende Joer ausbezuel.

An der Äntwert op d'Fro 7163 gouf versprach, dass *"alles dru gesat [géif ginn] fir déi momentan Retarde beim Ausbezuele vun de Primme schnellstméiglech ze reduzéieren, sou dass déi Fro sech an Zukunft net méi stellt."* an, dass ee kompletten Dossier an engem Delai vu maximal 3 Méint misst traitéiert sinn.

Dës Weidere gouf ugekënnegt, dass *"d'Ëmweltverwaltung 10 weider Posten à durée déterminée zougessprach [kritt huet] fir d'Beaarbechtungszeiten ze reduzéieren a Stéit schnellstméiglech des finanziell Hëllef zur Verfügung stellen ze kënnen"*.

An deem Zesummenhang wéilte mir de Ministeren dës Froe stellen:

1. Wéi vill Demandë fir d'Subventioun vu Photovoltaiksanlagen goufen 2022 oder virdu gemaach a sinn nach net ofgeschloss?  
Wéi vill Demandë goufen 2023 gemaach a sinn nach net ofgeschloss?  
Wéi vill Demandë goufen 2024 gemaach a sinn nach net ofgeschloss?
2. Wéi al ass déi eelsten Demande, déi agaangen ass an nach net ofgeschloss ass?
3. Wat ass d'Duerchschnëttsaardezäit fir d'Ausbezuelen vum Klimabonus fir PV-Anlagen am Joer 2022, am Joer 2023 an am Joer 2024 (Stand Mäerz)?



Mat déiwem Respekt,



GOERGEN Marc  
Deputéierten



POLIDORI Ben  
Deputéierten

